



Møteprotokoll Kommunestyret

Møtedato: 23.05.2019
Møtestad: Austrheim samfunnshus
Møtetid: 18:00 - 19:00

Møtedeltakarar	Parti	Rolle
Per Lerøy	AP	Ordførar
Anne Dahle Austrheim	KRF	Varaordførar
Siri Kaland	AP	Medlem
Hardy Pedersen	AP	Medlem
Monika Thorpe	AP	Medlem
Trude Sleire	AP	Medlem
Tore Austrheim	AP	Medlem
Jorund Stellberg	UAH	Medlem
Viggo Leirvåg	H	Medlem
Jan Erik Espelid	V	Medlem
Reidar Øksnes	SP	Medlem

Forfall meldt frå følgjande medl.	Parti
Asbjørn Brandtun	AP
Liv Ulvøy	UAH
Merethe Rikstad Tresvik	AP
Morten Sognnes	H
Randi Dyrøy	KRF
Rikke Heldal Hope	H

Frammøtte varamedlemmer:	Parti	Rolle
Ivar Bergsvik	AP	Varamedlem
Oddmund Vikene	AP	Varamedlem
Solveig Hopen	H	Varamedlem
Dag Arne Solberg	H	Varamedlem
Stein Kåre Løvslett	KRF	Varamedlem
Petter Lerøy Skårnes	V	Varamedlem

Desse møtte frå administrasjonen:

Konstituert rådmann Olav Mongstad, møtesekretær Ketil Tjore

Austrheim 24. mai 2019

Per Lerøy
ordfører

Ketil Tjore
møtesekretær

Sakliste

Saknr	Tittel
019/19	Godkjenning av innkalling og sakliste
020/19	Godkjenning av møteprotokoll
021/19	Meldingar
022/19	Orienteringssak
023/19	Utviding av IKT Nordhordland kommunalt oppgåvefellesskap – samarbeidsavtale § 19
024/19	TV-aksjonen - oppretting av kommunekomiteé
025/19	Oppnemning av medlem og varamedlem til representantskap BF IKS
026/19	Revisjon av NGIR sin selskapsavtale på bakgrunn av etablering av Alver kommune
027/19	Budsjettoppfølging per februar 2019

019/19: Godkjenning av innkalling og saksliste

Rådmannen sitt framlegg:

Innkalling og sakliste vert godkjent

23.05.2019 KOMMUNESTYRET

Handsaming i kommunestyret:

Rådmannen sitt framlegg vart samrøystes vedteke.

KS - 019/19 - 23.05.2019 - Vedtak:

Innkalling og sakliste vart godkjent.

020/19: Godkjenning av møteprotokoll

Rådmannen sitt framlegg:

Møteprotokoll frå forrige møte vert godkjent

23.05.2019 KOMMUNESTYRET

Reidar Øksnes (Sp) tok ordet, og viste til avstemminga i saka om arealplanen under kommunestyret 11. april 2019, sak «017/19: Kommuneplanen sin arealdel i Austrheim».

Reidar Øksnes: Eg sa i møtet 11. april at eg meinte det var feil at dei to vedtaksframlegga vart sette opp mot kvarandre. Skiljelinja i kommunestyret gjekk på spørsmålet om Øksnesmarka, resten av kommuneplanen var det semje om, og då vert det feil at det i vedtaket vart 10 for arealplanen og 7 mot. No har eg sett i retningslinjene og meiner det hadde vore rett å dela opp avstemminga slik at ein kunne stemma mot den delen som gjeld Øksnesmarka, men for resten av planen, ei stemmegjeving lik den som ein brukar under budsjetthandsaminga. Eg ønskjer å få saka opp til ny avstemming i kommunestyret, slik at ein får fram kvar skiljelinjene går.

Øksnes hadde eit eige framlegg til vedtak, med denne ordlyden:

«Austrheim kommunestyre godkjenner møteprotokoll for Austrheim kommunestyre møtedato 11.04.2019, med unntak av sak 017/19.

Sak 017/19 vert lagt fram til ny avrøysting på førstkommande kommunestyremøte. Då i tråd med rett røyste-rekkefølge.»

Ordførar Per Lerøy svara at han ser at det kan vera grunnlag for å vurderer måten kommunestyret stemte i denne saka. Lerøy spurte om det var ei grei løysing å be rådmannen fram til neste kommunestyremøte, sjekka opp i korleis ein kan handsama dette, og så tek kommunestyret dette opp til handsaming. Dette var ei løysing Reidar Øksnes støtta.

Handsaming i kommunestyret:

Samrøystes for framlegget til vedtak, med tillegg om at rådmannen til neste møte sjekkar opp i dette med eventuelt nytt vedtak i sak 017/19 om kommuneplanen, og korleis dette kan gjerast.

Framlegget frå Reidar Øksnes vert lagt ved protokollen.

KS - 020/19 - 23.05.2019 - Vedtak:

Møteprotokoll frå forrige møte vert godkjent, med følgjande tillegg: Rådmannen skal til neste møte sjekka opp i dette med eventuelt nytt vedtak i sak 017/19 om kommuneplanen, og korleis dette kan gjerast.

Framlegget frå Reidar Øksnes er lagt ved protokollen.

021/19: Meldingar

Rådmannen sitt framlegg:

Meldingane vert tekne til orientering

23.05.2019 KOMMUNESTYRET

Rådmannen sitt framlegg vart samrøystes vedteke.

KS - 021/19 - 23.05.2019 - Vedtak:

Meldingane vart tekne til orientering.

022/19: Orienteringssak

Rådmannen sitt framlegg:

23.05.2019 KOMMUNESTYRET

Det vart orientert om prosessen rundt nedbemanning - konstituert rådmann Olav Mongstad orienterte. (Sjå også presentasjonen, som ligg ved protokollen)

Olav Mongstad: Arbeidet med nedbemanning starta tidleg, ettersom at ein såg at økonomien i kommunen var vanskeleg. Frå starten av har ein hatt med seg dei tillitsvalde, på ei kartlegging av behov og dagens bemanning.

Ein reduksjon på atten stillingar inngjekk i budsjettet for 2019, og dette er starten på noko som vil

vara, sidan ein legg til same drift i 2020, og ytterlegare innsparingar frå 2021.

Mongstad klargjorde bakgrunnen for at kommunen har tilsett i nye stillingar samstundes som det har gått ut oppseiingar. Dette kjem av at kommunen har fått inn midlar til satsingar på mellom anna helsesøster, rus/psykiatri (Recovery-prosjektet), habilitering/rehabilitering og barnevern. Her er det tale om satsingsområde der kommunen har søkt om og fått øyremerka midlar, og det gjeld oppgåver som kommunen må bu seg på å ta.

Tore Austrheim (Ap) spurde om det berre vert gjort kutt i tilbodet til barn/unge og helse, tenester som er lovpålagde, og ikkje innan utetenesta som til dømes vedlikehald av bygg og anlegg. - Kva tankar er gjort, og er det noko å henta på kutt i utetenesta, spurde Austrheim.

Konstituert rådmann Olav Mongstad svara at ein også har kutta i andre tenester. Ein vaktmeister som gjekk av med AFP er ikkje erstatta, det er redusert på reinhald, og det er redusert i administrasjonen dei siste åra. I administrasjonen starta ein med å kutta næringskonsulent, prosjektleiar for Austrheim heile livet, ein la ned familiekontoret, og gjorde endringar NAV som kanskje gjev litt innsparing på leiarsida der. Vidare er ei stilling som ingeniør på teknisk sett vakant. – Eg føler at me samla sett har vore innom veldig mange felt i denne innsparinga, sa Mongstad.

Ordførar Per Lerøy viste til at det er gjort samanlikningar med Kostra-tal frå andre kommunar, og at det har resultert i at ein kuttar i skular og barnehagar.

--

Kommunestyrerepresentant Hardy Pedersen (Ap) og Gro Kaland (Sp) er Austrheim sine medlemmer i representantskapet i NGIR. Hardy Pedersen gav kommunestyret ei kort orientering om stoda i selskapet, og sa at administrasjonen og styret har gjort ein kjempejobb med å halda det ryddig etter konkursen i Reno Norden (NGIR hadde avtale med selskapet om bosshenting, og måtte ta over sjølv etter konkursen).

I samband med at det er representantskapsmøte i NGIR måndag 27. mai, oppmoda Pedersen kommunestyret til å sjå gjennom sakspapira og eventuelt senda han innspel. Servicekontoret sende ut NGIR-papira til kommunestyret fredag 24. mai.

Handsaming i kommunestyret:

Samrøystes vedtak om å ta orienteringane til vitande.

KS - 022/19 - 23.05.2019 - Vedtak:

Orienteringane vert teke til vitande.

023/19: Utviding av IKT Nordhordland kommunalt oppgåvefelleskap – samarbeidsavtale § 19

Rådmannen sitt framlegg:

1. Austrheim kommune vedtar at **IKT Nordhordland kommunalt oppgåvefelleskap** vert utvida med kommunane Austevoll, Gulen og Samnanger.
2. Austrheim kommune vedtar samarbeidsavtalen for **IKT Nordhordland kommunalt oppgåvefelleskap** slik den ligg føre.

Jorund Stellberg (Uavh) sa at det var bra at IKT Nordhordland vert etablert som eit eige rettssubjekt, det er tryggare for dei tilsette og gjer det mogleg å ta opp lån.

Politisk handsaming i formannskapet:

Rådmannens framlegg til vedtak vart samrøystes vedteke.

FS - 040/19 - 03.05.2019 - Vedtak:

1. Austrheim kommune vedtar at **IKT Nordhordland kommunalt oppgåvefellesskap** vert utvida med kommunane Austevoll, Gulen og Samnanger.

2. Austrheim kommune vedtar samarbeidsavtalen for **IKT Nordhordland kommunalt oppgåvefellesskap** slik den ligg føre.

23.05.2019 KOMMUNESTYRET

Konstituert rådmann Olav Mongstad orienterte om saka. Ein har no gått frå vertskommuneprinsippet, der Osterøy fram til no har vore vertskommune, til at IKT Nordhordland no er eit eige rettssubjekt. Som eige rettssubjekt kan IKT Nordhordland sjølv ta opp lån.

No er det også ei kommande utviding av IKT Nordhordland på gang, med kommunane Gulen, Samnanger og Austevoll inn, der sistnemnde alt kjøper tenester av IKT Nordhordland.

Reidar Øksnes (Sp) hadde spørsmål om korleis felles IKT-system påverkar korleis ein kan finna fram dokument frå arkivet, og viste til vanskar med å få fram dokument som trengst for landbruksfagrådet. Øksnes spurte kvar slike dokument vert lagra.

Konstituert rådmann Olav Mongstad svara at det er skilje mellom felles IKT og felles arkivsystem. Varaordførar Anne Dahle Austrheim (KrF), som jobbar med saksarkivet på Radøy, viste til at det er Radøy som er vertskommune for felles landbrukskontor. Saker i arkivet til landbrukskontoret er på Radøy, og vert ikkje arkivert i Austrheim kommune sitt arkiv.

Handsaming i kommunestyret:

Samrøystes for rådmannen sitt framlegg til vedtak.

KS - 023/19 - 23.05.2019 - Vedtak:

1. Austrheim kommune vedtar at **IKT Nordhordland kommunalt oppgåvefellesskap** vert utvida med kommunane Austevoll, Gulen og Samnanger.

2. Austrheim kommune vedtar samarbeidsavtalen for **IKT Nordhordland kommunalt oppgåvefellesskap** slik den ligg føre.

024/19: TV-aksjonen - oppretting av kommunekomiteé

Rådmannen sitt framlegg:

Kommunestyret i Austrheim vel følgjande kommunekomiteé for TV-aksjonen 2019:

- Leiar: Varaordførar Anne Dahle Austrheim
- Sekretær: Rigmor Ludvigsen/ Helge Dyrkolbotn
- Folkehelsekoordinator Helge Dyrkolbotn
- Eit medlem utpeikt av Lindåsneset Sanitetsforeining

- Eit medlem utpeikt av Årås Sanitetsforeining
- Eit medlem utpeikt av Kvinne- og famielaget
- Eit medlem frå Austrheim idrettslag
- Eit medlem frå Austrheim Rotary

Austrheim formannskap løyver kr.25.000,- til TV-aksjonen 2018 .

Kostnaden vert dekkja frå post 1490380001902

03.05.2019 FORMANNSKAPET

Anne Dahle Austrheim (KrF) (som var innstilt som leiar av kommunekomiteen) sa at denne organiseringa har fungert bra dei siste åra, og la så til at det er viktig at formannskap og andre stiller som bøsseberarar!

Austrheim ba om at administrasjonen sjekkar at der er midlar på den posten som er sett opp for kommunen sitt tilskot, og om så ikkje er tilfelle så kjem denne saka opp igjen i formannskapet.

Politisk handsaming i formannskapet:

Rådmannens framlegg til vedtak vart samrøystes vedteke, med tillegg om at administrasjonen sjekkar at der er midlar på den posten som er sett opp for kommunen sitt tilskot, og om så ikkje er tilfelle så kjem denne saka opp igjen i formannskapet.

FS - 041/19 - 03.05.2019 - Vedtak:

Kommunestyret i Austrheim vel fylgjande kommunekomité for TV-aksjonen 2019:

- Leiar: Varaordførar Anne Dahle Austrheim
- Sekretær: Rigmor Ludvigsen/ Helge Dyrkolbotn
- Folkehelsekoordinator Helge Dyrkolbotn
- Eit medlem utpeikt av Lindåsneset Sanitetsforeining
- Eit medlem utpeikt av Årås Sanitetsforeining
- Eit medlem utpeikt av Kvinne- og famielaget
- Eit medlem frå Austrheim idrettslag
- Eit medlem frå Austrheim Rotary

Austrheim formannskap løyver kr.25.000,- til TV-aksjonen 2019.

Kostnaden vert dekkja frå post 1490380001902. Administrasjonen sjekkar at der er midlar på den posten som er sett opp for kommunen sitt tilskot, og om så ikkje er tilfelle så kjem denne saka opp igjen i formannskapet.

23.05.2019 KOMMUNESTYRET

For å sikra at ein kan supplera komiteen eller eventuelt erstatta medlemmer, ba rådmannen om mynde til dette.

Handsaming i kommunestyret:

Samrøystes for formannskapet sitt framlegg til vedtak, med følgjande tillegg: "Rådmannen får mynde til å erstatta eller leggja til medlemmer i komiteen for TV-aksjonen".

KS - 024/19 - 23.05.2019 - Vedtak:

Kommunestyret i Austrheim vel fylgjande kommunekomité for TV-aksjonen 2019:

- Leiar: Varaordførar Anne Dahle Austrheim
- Sekretær: Rigmor Ludvigsen/ Helge Dyrkolbotn
- Folkehelsekoordinator Helge Dyrkolbotn
- Eit medlem utpeikt av Lindåsneset Sanitetsforeining
- Eit medlem utpeikt av Årås Sanitetsforeining

- Eit medlem utpeikt av Kvinne- og familielaget
- Eit medlem frå Austrheim idrettslag
- Eit medlem frå Austrheim Rotary

Austrheim kommunestyre løyver kr. 25.000,- til TV-aksjonen 2019.

Kostnaden vert dekkja frå post 1490380001902. Administrasjonen sjekkar at der er midlar på den posten som er sett opp for kommunen sitt tilskot, og om så ikkje er tilfelle så kjem denne saka opp igjen i formannskapet.

Rådmannen får mynde til å erstatta eller leggja til medlemmer i komiteen for TV-aksjonen.

025/19: Oppnemning av medlem og varamedlem til representantskap BF IKS

Rådmannen sitt framlegg:

Austrheim kommunestyre oppnemner som medlem i representskapet i BF IKS.

Austrheim kommunestyre oppnemner som varamedlem i representskapet for BF IKS.

23.05.2019 KOMMUNESTYRET

Handsaming i kommunestyret:

Samrøystes for å velja ordførar og varaordførar som høvesvis medlem og varamedlem i representantskapet i BF IKS.

KS - 025/19 - 23.05.2019 - Vedtak:

Austrheim kommunestyre oppnemner ordførar som medlem i representskapet i BF IKS.

Austrheim kommunestyre oppnemner varaordførar som varamedlem i representskapet i BF IKS.

026/19: Revisjon av NGIR sin selskapsavtale på bakgrunn av etablering av Alver kommune

Rådmannen sitt framlegg:

1. Austrheim kommunestyre gjer vedtak om å revidere selskapsavtalen for NGIR i tråd med tilrådingane frå representantskapet.
2. Revidert selskapsavtale skal gjelde frå 01.01.2020 under føresetnad av at alle eigarkommunane gjer likelydande vedtak.

23.05.2019 KOMMUNESTYRET

Konstituert rådmann Olav Mongstad sa at saka handlar om litt tilpassingar i samband med at Radøy, Meland og Lindås går saman til Alver frå 2020, litt vedtektsendringar på grunn av ei lovendring, samt litt andre tilpassingar som auka lånegrense.

Handsaming i kommunestyret:

Samrøystes for rådmannens framlegg til vedtak.

KS - 026/19 - 23.05.2019 - Vedtak:

1. Austrheim kommunestyre gjer vedtak om å revidere selskapsavtalen for NGIR i tråd med tilrådingane frå representantskapet.
2. Revidert selskapsavtale skal gjelde frå 01.01.2020 under føresetnad av at alle eigarkommunane gjer likelydande vedtak.

027/19: Budsjettoppfølgjing per februar 2019

Rådmannen sitt framlegg:

Budsjettoppfølgjinga vert teke til vitande.

21.03.2019 FORMANNSKAPET

Økonomisjef Olav B. Andersen orienterte om den økonomiske situasjonen per mars månad. Rekneskapen per mars viser eit meirforbruk på løn på 2.060.000, medan prognosen ut året er eit meirforbruk på løn på 1.937.000. Meirforbruket på løn er venta å auka noko framover våren, før det så vert redusert igjen frå hausten når talet tilsette er redusert.

Resultatet frå 2018 er hjå revisor til godkjenning. Førebels ligg det an til eit overskot på rundt 1 million kroner, men samstundes ligg det ei rekning på 850.000 kroner frå Helfo som kanskje skal dekkast inn på rekneskapsåret 2018.

Siri Kaland la fram eit framlegg på vegner av Austrheim Arbeiderparti:

"Formannskapet er nøgd med at rådmannen har ei tett oppfølging av den økonomiske utviklinga i kommunen, men er uroa over kostnadsoverskridinga på lønsbudsjettet. Formannskapet tek rapporten til vitande, men ber om at rådmannen set i verk tiltak slik at kommunen kan ta inn fem lærlingar hausten 2019."

Konstituert rådmann Olav Mongstad ba om at politikarane styrer gjennom budsjett og ikkje vedtak undervegs i året. Når det er sagt at 2019 er eit unntaksår, og ein må gå til oppseiingar, så er det ikkje det rette signalet å senda ut i organisasjonen at ein skal ta inn fem nye lærlingar. Mongstad sa at han er veldig usamd med dette, og usikker på korleis ein kan pålegga rådmannen i å setta i verk tiltak der ikkje er budsjett til.

Rikke Heldal Hope (H) sa at framlegget til Austrheim Ap burde modifierast, til å ikkje vera så bindande, til dømes slik: "Administrasjonen skal så langt det lar seg gjera bestreba å ta inn inntil fem lærlingar i 2019."

Anne Dahle Austrheim (KrF) sa at ho var uroleg for om organisasjonen kan handtera ytterlegare lærlingar.

Per Lerøy (Ap) sa at det kan vera mogleg å gjera innsparingar ved å bruka lærlingar, til dømes ved at lærlingar kan redusera behovet for overtidbruk.

Konstituert rådmann Olav Mongstad etterlyste at formannskapet gjer som det er politisk vedteke tidlegare, at nye tiltak skal finansierast.

Økonomisjef Olav B. Andersen sa at det ikkje er budsjettert med overtid i 2019, og at dette berre vert brukt når det er absolutt nødvendig. Andersen sa vidare at når ein må seia opp folk, så vil ein få kritikk for det signalet ein gjev ved å ta inn fleire lærlingar.

Konstituert rådmann Olav Mongstad viste til at ein lærling kostar frå 42.000 kroner og oppover for dei første fem månadene av utdanningsløpet. Fem lærlingar vil kosta 220-250.000 kroner i haust, samstundes som det skal seiast opp tilsette. Mongstad meiner at organisasjonen og dei tillitsvalde vil vera veldig kritiske til at dette skjer i år.

Per Lerøy (Ap) viste til at offentleg sektor ligg bakpå når det gjeld å utdanna nok fagfolk, etter kvart som tilsette går av med pensjon.

Økonomisjef Olav B. Andersen sa at dersom ein skal nå dei økonomiske måla i 2019, så må ein finna ut kvar desse pengane skal hentast frå.

Per Lerøy (Ap) viste til at Austrheim kommune i utgangspunktet ikkje tek inn lærlingar i 2019.

Administrasjonen presiserte at det er to TAF-elevar som går over på lærlingkontrakt, medan det kjem inn to nye lærlingar.

Siri Kaland reduserte sitt framlegg, lagt fram på vegner av Austrheim Arbeidarparti (med presisering av at det skal prioriterast søkarar frå Austrheim, og dersom det er færre enn tre frå Austrheim som søker så kan det bli to søkarar):

Framlegget fekk denne ordlyden:

"Formannskapet er nøgd med at rådmannen har ei tett oppfølging av den økonomiske utviklinga i kommunen, men er uroa over kostnadsoverskridinga på lønsbudsjettet.

Formannskapet tek rapporten til vitande, men ber om at rådmannen set i verk tiltak slik at kommunen kan ta inn tre lærlingar hausten 2019. Opptaket av lærlingar er kostnadsrekna til om lag 120.000 kroner, og vert finansiert frå kommunestyret sin post for tilleggsløyving på 200.000 kroner."

Handsaming:

Samrøystes vedtak om dette framlegget.

FS - 032/19 - 21.03.2019 - Vedtak:

Formannskapet er nøgd med at rådmannen har ei tett oppfølging av den økonomiske utviklinga i kommunen, men er uroa over kostnadsoverskridinga på lønsbudsjettet.

Formannskapet tek rapporten til vitande, men ber om at rådmannen set i verk tiltak slik at kommunen kan ta inn tre lærlingar hausten 2019. Opptaket av lærlingar er kostnadsrekna til om lag 120.000 kroner, og vert finansiert frå kommunestyret sin post for tilleggsløyving på 200.000 kroner.

23.05.2019 KOMMUNESTYRET

Konstituert rådmann Olav Mongstad sa at denne saka skulle vore oppe til kommunestyret tidlegare. Formannskapet har her gjort ei løyving på over 100.000 kroner, og i tillegg av kommunestyret sin pott, og då skulle denne budsjettorienteringa gått vidare til første kommunestyre. Det formannskapet gjorde var å bruka 120.000 kroner av kommunestyret sin pott, for å sikra at lærlingar som går ut av AVS får tilbod om læreplass. Ein hadde fått melding frå AVS om at der var lokale elevar som opplevde at dei var sist i rekka for å få læreplass i andre kommunar.

Ordførar Per Lerøy (Ap) la til at utan dette vedtaket ville det ikkje komme inn nye lærlingar i organisasjonen i år, sett bort frå to TAF-elevar som går over til å bli lærlingar. – Formannskapet har sagt at ein vil ha tre nye inn i «botn» som lærlingar, og at dette var ei rett prioritering av unge frå eigen kommune. Lerøy la til at ein ikkje utvidar budsjettet, men brukar av dei midlane kommunestyret har til rådvelde.

Handsaming i kommunestyret:

Samrøystes for formannskapet sitt framlegg til vedtak ("formannskapet" er bytta med "kommunestyret").

KS - 027/19 - 23.05.2019 - Vedtak:

Kommunestyret er nøgd med at rådmannen har ei tett oppfølging av den økonomiske utviklinga i kommunen, men er uroa over kostnadsoverskridinga på lønsbudsjettet.

Kommunestyret tek rapporten til vitande, men ber om at rådmannen set i verk tiltak slik at kommunen kan ta inn tre lærlingar hausten 2019. Opptaket av lærlingar er kostnadsrekna til om lag 120.000 kroner, og vert finansiert frå kommunestyret sin post for tilleggsløyving på 200.000 kroner.

Austrheim Kommunestyre

Ordfører

Framlegg til vedtak i sak 020/19, godkjenning av møteprotokoll for Austrheim Kommunestyre, møtedato 11.04.2019.

Austrheim kommunestyre godkjenner møteprotokoll for Austrheim Kommunestyre møtedato 11.04.2019, med unntak av sak 017/19.

Sak 017/19 vert lagt fram til ny avrøysting på førstkommande kommunestyremøte. Då i trå med rett røyste-rekkefølge.

Bakgrunn:

Slik røystinga vart gjort, vart store delar av kommunestyrerepresentantane tvinga til å røysta mot det dei var for. Dette meiner eg strir med retningslinjene me har i kommunen.

Slik eg ser det var det store skilje, avsnittet om Øksnesmarka som næringsareal eller ikkje.

Austrheim Senterparti

Reidar Øksnes



Reidar Øksnes 23.05.19

Arbeid med nedbemanning

Adm. utvalet 3. mai 2019

Forarbeid

- Laga retningslinjer ved omstilling og nedbemanning (sak 18/998)
 - Drøfta med tillitsvalde
 - AMU 07.01.19.
 - ADM 24.01.19
- Utgangspunkt i bemanningsplan og kompetanse
- Ved overtal, ranger etter tenestetid – vurder særlege tilhøve.

Arbeid undervegs

- Informasjonsmøte avdelingsleiar/rådmannsnivå
- Alle fyller ut sitt kartleggingsskjema saman med leiar.
- Vurdere ansiennitet, alder, kompetanse, privat forsørgartilhøve m.m.
- Status med HTV med gjennomgang og vurderingar
- Personleg samtale med dei aktuelle, avdelingsleiar, rådmannsnivå, eventuelt tillitsvald/støtteperson.
- Får eventuelle tilbod om anna passende arbeid, tid til å tenke på tilbod.
- NB. Fortrinnsrett gjer at stillingar framover bør vurderast inn mot dei som er sagt opp (AML 1 år)
- Endeleg avgjerd etter drøfting med HTV
 - Oppseiing
 - Tilbod om ny stilling

- Reduksjon på 18 stillingar inngjekk i budsjettet for 2019.
 - 1 nattevakt Vestlia
 - 0,6 stilling vernepleiar Vestlia
 - Vakanse ingeniør teknisk drift.
 - Reduksjon 50% reinhald
 - 0,4 assistent Årås
 - 0,4 lærar Årås
 - 0,6 lærar Kaland
 - 0,8 sekretær legekantor
 - 1 lege frå 1.3.19
 - 5,4 stillingar Kaland barnehage
 - 3,2 stillingar Austrheim Kystbarnehage
 - **Sum 14,9 stillingar. Nokre realisert i 2018 - nokre i 2019**

2019

- Stillingar som har vore reduserte
- Årås skule – assistentar – dei som eig stillinga kjem inn
 - 2 vikariat går ut 1.7.19
 - 20% av assistent sitt vikariat går ut, rest 40%
 - Assistent sagt opp 40%. Overført til Kaland skule i 40% vikariat (til 28.03.20)
40% i kombinasjon med Årås skule.
- Vaksenopplæring
 - 1 stilling 37,6 % sagt opp. Vurderer tilbod om anna stilling PLOMS.

2019

- Austrheim kystbarnehage
 - Vikariat 60% avslutta 1.7.19
 - 1 AFP-pensjonist frå 1.7.19. Ikkje erstatta
 - 1 morspermisjon frå 2.5.19. Ikkje erstatta
 - 1 stilling 80 % sagt opp.
 - Tilrettelagt arbeidsplass – vedkomande vurdere delvis inn i drift. Vurdere oppseiing seinare.
- Andre tiltak
 - Assisterande styrar delvis inn i drift
 - Spes. ped lærar delvis inn i drift

2019

- Kaland barnehage
 - 1 100% stilling med lønnstilskot Nav 60% vert sagt opp
 - 2 stillingar à 60 % sagt opp.
 - 1 av desse overført til 60 % vikariat-stilling Kaland skule til 28.02.2020.
 - 1 ikkje tatt imot andre tilbod, vert sagt opp.
 - NB. 1 Stilling 60% vert sagt opp pr 01.02.2020 (AFP). Omsyn til alder
- Andre tiltak
 - Spesped. lærar delvis inn i drift med 20%

2019

- Bibliotek
- 1 stilling redusert frå 60% til 45 %, pga avtale oppsagt av AVS.
 - Vedkomande fått ny stilling i Lindås/Alver, slutta 14.5.2019.
 - 60 % stilling vakant/trekt inn på bibliotek.
- Helseavdeling
 - 1 stilling 100 % AFP frå 1.8.19. Erstatta med 20 % flytta frå Servicekontoret. 100 %vakant.
- Ploms- Vestlia
 - 1,8 nattevakt frå 1.2.19. Ikkje erstatta
 - 0,6 stilling vernepleiar. Ikkje erstatta
- Sum stillingar: ca 8 årsverk. Utgjer ca. 2 mill kr. i 2019
- I tillegg vakante stillingar
 - Psykolog
 - Ingeniør
 - Helsesøster 60 % frå 1.4.19 til 1.8.19.
 - Fysioterapeut. Vakant frå 1.8.??

Nye stillingar

Stillingar finansiert med ulike stønadsordningar

Innvilga stønad for driftsåret 2019

- Helsesøstertilbod. 300 000 kr frå Helsedirektoratet.
- Rus/psykiatri, ny stilling inn mot barn og unge. Helse, barnevern skule m.m. 660 000 kr
- Erfaringskonsulent 606 000 kr i Recovery-prosjektet/Grønt arbeid
- Arbeide ut plan for habilitering/rehabilitering 220 000 kr
- Barnevern frå Fylkesmannen 500 000 kr

ny stilling som gjeld rus/psykisk helse blant unge.

Stilling Rusoppvekst- Psykisk helse barn og unge	Tenestestad Helseavdeling	Stillings- prosent	100	Søknads- sum	660 000
---	------------------------------	-----------------------	-----	-----------------	---------

Innhald i stillinga – frå søknaden

- Ny stilling retta mot barn og unge i grunnskule og vidaregåande skule. Dette tiltaket retta mot barn og unge er eit lavterskel helsetilbod.
- I tillegg vil personen som blir tilsett arbeide inn mot barn som barnevernet får melding om lever i heimar med rus.
- Austrheim opplever ein auke i slike tilfelle. Noko av dette skuldast tilflytting, noko skuldast meir etablerte heimar.